

Na osnovu člana 113. stav 2. i člana 88. stav 1. tačka d) Zakona o visokom obrazovanju ("Službene novine Kantona Sarajevo", broj: 42/13 - prečišćeni tekst - I 13/15), člana 24. i člana 178. Zakona o radu ("Službene novine Federacije BiH", broj: 26/16), člana 151. Statuta Univerziteta u Sarajevu iz juna 2013. godine, a u skladu sa Odlukom Senata Univerziteta u Sarajevu o izboru dr. Amile Ždralović u zvanje docenta na naučnoj oblasti Sociološke dimenzije prava, broj: 01-24/17 od 28.12.2016. godine, zaključuje se dana **28.12.2016. godine** u Sarajevu, između:

1. Pravnog fakulteta Univerziteta u Sarajevu, Obala Kulina bana 7, Sarajevo, kojeg zastupa dekan prof. dr. Borislav Petrović (u daljem tekstu: *Fakultet*), i
2. dr. Amile Ždralović, ulica ~~XXXXXXXXXX~~, 23, općina Centar, JMBG: ~~XXXXXXXXXX~~ (u daljem tekstu: *univerzitetska nastavnica*), slijedeći

## **UGOVOR O RADU sa akademskim osobljem**

### **Osnovne odredbe**

#### **Član 1.**

- (1) Ovim ugovorom uređuje se radnopravni status univerzitetske nastavnice za obavljanje nastavno-naučnih poslova na obaveznim i izbornim predmetima prvog i drugog ciklusa studija naučne oblasti Sociološke dimenzije prava, u sjedištu Fakulteta, u akademskom zvanju docenta.
- (2) Zaključivanjem ovog ugovora o radu i stupanjem na rad zasniva se radni odnos između Fakulteta i univerzitetske nastavnice na određeno vrijeme, na period od pet /5/ godina, sa punim radnim vremenom počev od 28.12.2016. godine.
- (3) Poslovi univerzitetske nastavnice iz stava 1. ovog člana u okviru 40-satne radne sedmice su: organiziranje i izvođenje nastave prvog i drugog ciklusa studija: predavanja, seminari, nadzor vježbi/vježbe, održavanje semestralnih provjera znanja i ispita, mentorstvo na završnim radovima studenata II ciklusa i sudjelovanje u radu komisija za odbranu radova, konsultacije i drugi oblici rada sa studentima, priprema materijala i udžbenika za obavezne i izborne predmete, predlaganje, sudjelovanje u naučno-nastavnim programima i projektima Fakulteta, objavljivanje rezultata istraživanja u naučnim i stručnim publikacijama, rad u stručnim komisijama Fakulteta i Univerziteta, sudjelovanje u organizaciji naučnih, stručnih i drugih skupova, sudjelovanje u upravljačkim i stručnim poslovima Fakulteta, te drugi povjereni poslovi utvrđeni Zakonom, Statutom, općim aktima Univerziteta i Fakulteta.
- (4) Poslovi iz stava 3. ovog člana normiraju se i čine osnov za obračun plaće univerzitetske nastavnice u skladu sa Zakonom, općim aktima Univerziteta i Fakulteta.
- (5) Fakultet je obavezan prijaviti univerzitetsku nastavnicu na obavezno osiguranje (penzijsko-invalidsko, zdravstveno i osiguranje za slučaj nezaposlenosti), u skladu sa zakonom, te dostaviti u roku od 15 dana fotokopije prijave na obavezno osiguranje.

## **Član 2.**

### **Osnovna prava i obaveze**

- (1) Univerzitetska nastavnica dužna je uredno izvršavati nastavne i druge obaveze, ispunjavati obaveze u odnosu na naučni i stručni rad, promicati etička načela i vrijednosti u nauci i visokom obrazovanju, te štiti i promicati ugled Fakulteta i Univerziteta. Posebnu pažnju univerzitetska nastavnica je dužna posvetiti radu sa studentima.
- (2) Univerzitetska nastavnica je obavezna poštovati organizaciju rada i poslovanja Fakulteta i Univerziteta kao i relevantne propise i opće akte.
- (3) Fakultet je obavezan poštovati prava i dostojanstvo univerzitetske nastavnice na radu i u vezi sa radom.

## **Član 3.**

- (1) Radno vrijeme univerzitetske nastavnice u okviru 40-satne radne sedmice vezano je za: nastavne aktivnosti, naučno-istraživački i stručni rad te rad u tijelima i komisijama Fakulteta i Univerziteta. Dio radnog vremena univerzitetska nastavnica koristi za rad na osobnom stručnom usavršavanju i napredovanju.
- (2) Radno vrijeme u nastavi uključuje radno vrijeme provedeno neposredno u nastavi i radno vrijeme provedeno u pripremi za nastavu.
- (3) Kao rad neposredno u nastavi podrazumijevaju se: predavanja, vježbe, konsultacije, mentorstva, ispiti, provjere i praćenje znanja, te drugi oblici pomoći studentima.

## **Član 4.**

Pravo na odsustva, odmora i trajanje godišnjeg odmora univerzitetska nastavnica ostvaruje u skladu sa Zakonom, Statutom Univerziteta, te Pravilnikom o radu Fakulteta.

## **Član 5.**

Univerzitetska nastavnica ostvaruje pravo na plaću, dodatke na plaću i naknadu plaće na način i pod uvjetima utvrđenim zakonskim i drugim propisima, Jedinственим pravilnikom o plaćama i naknadama osoblja Univerziteta u Sarajevu, drugim općim i pojedinačnim aktima Univerziteta i Pravilnikom o radu Fakulteta.

### **Prestanak radnog odnosa**

## **Član 6.**

- (1) Univerzitetskoj nastavnici radni odnos prestaje istekom roka iz člana 1. stav 2. ovog Ugovora tj. do 28.12.2021. godine, te na način i pod uvjetima utvrđenim Zakonom i Statutom Univerziteta.
- (2) U slučaju otkaza ovog ugovora od strane Fakulteta, univerzitetska nastavnica ima pravo na otkazni rok od 30 dana od dana uručenja otkaza. U slučaju da univerzitetska nastavnica da otkaz Fakultetu, otkazni rok je 15 dana od dana uručenja otkaza.

## Završne odredbe

### Član 7.

Na prava i obaveze koje nisu utvrđene ovim ugovorom primjenjivat će se direktno odgovarajuće odredbe Zakona o visokom obrazovanju Kantona Sarajevo, Zakona o radu F BiH, Statuta, općih i pojedinačnih akata Univerziteta i Fakulteta i drugih relevantnih propisa iz oblasti radnih odnosa i visokog obrazovanja.

### Član 8.

U slučaju spora, mjesno i stvarno nadležan je Sud u Sarajevu.

### Član 9.

Ovaj Ugovor zaključen je u 4 (četiri) istovjetna primjerka od kojih univerzitetska nastavnica zadržava (1) jedan, a ostale primjerke zadržava Fakultet.

**ZA PRAVNI FAKULTET UNIVERZITETA  
U SARAJEVU  
DEKAN**

*Prof.dr Borislav Petrović*



**UNIVERZITETSKA NASTAVNICA**

*Doc.dr Amila Ždralović*

**PRAVNI FAKULTET  
UNIVERZITETA SARAJEVO**

Broj: 01-107/14

Datum: 01-02 2017